

767398



docriver 文川网
古籍书城
入驻商家
获取更多电子书

臺灣文獻史料叢刊

第二輯

(35)

臺安臺

灣平灣

兵縣采

備雜訪

抄記冊

(合訂本)

贈書
直基
行漢



臺灣大通書局印行



21113001123931

Y. 2081



臺灣文獻叢刊第五五種

臺灣采訪冊

諸家

弁言

省立臺北圖書館藏有「臺灣採訪冊」傳抄本（據書末附記係於昭和十四年、即民國二十八年八月由臺南石暘睢氏所藏抄本傳抄），分訂六冊；本書即據以標點分段的。考本書成於道光九、十年間，參加這一工作的，則有陳國瓊等十七人。或於每一紀事之首、或於每一紀事之末，詳列採訪者的姓名及採訪的日期（本書一律改在紀事之末）；但也有漏記的。由於本書祇是若干人的採訪集刊，而未經嚴密的編輯，所以缺少完整的體系；甚至部份祇有「內容」而無「標題」。我們為便於檢讀起見，在不損及「內容」的前提下，勉強列出一個「標題」。凡是新列的「標題」，有的已經註明、有的因過於瑣碎未及註明。再則，也許由於傳抄的關係，本書不僅錯字很多，而且不少地方留着空白。我們除已酌予改正或填補外，祇能用「□」或「……」的符號，讓這些「缺憾」殘存下來。（周憲文）

docsriver 文川网
入驻商家 古籍书城

在文川网搜索古籍书城 获取更多电子书

臺灣采訪冊目錄

列星分野	(一)
氣候占驗	(四)
疆域山水	(五)
臺灣府城龍局	(六)
沿革	(八)
山形	(九)
水勢	(二)
火山考	(三)
羅水	(三)
嘉義縣城	(四)
彰化縣城	(五)
臺邑街市	(六)
橋	(八)
淡防廳城	(二)

噶瑪蘭廳城	(一三)
城池	(一三)
火燒嶼(嘉屬)	(一六)
鯽魚潭	(一六)
鹿耳門港	(一七)
圍溪	(一八)
鳳山縣城	(一八)
紀事	(二九)
祥異	(三六)
兵燹	(四六)
大學士九卿議覆公中堂福議奏	(五二)
巡察御史	(七七)
臺澎道憲	(七六)
臺灣府知府	(八三)
臺灣海防同知	(八七)
臺灣府經歷	(九〇)

臺灣縣知縣	(九三)
羅漢門縣丞	(九五)
羅漢門巡檢	(九六)
臺灣縣典史	(九七)
府儒學教授	(一〇一)
府儒學訓導	(一〇三)
臺灣縣儒學教諭	(一〇五)
臺灣縣儒學訓導	(一〇六)
諸羅縣學教諭	(一〇九)
鳳山縣學訓導	(一〇九)
葉中丞傳	(一〇九)
愛鎮軍傳	(一一〇)
許邑侯傳	(一一三)
總兵	(一一三)
鎮標左營遊擊	(一一五)
鎮標左營守備	(一一八)

鎮標右營遊擊……………(二二一)

鎮標右營中軍守備……………(二二四)

城守營參將……………(二二六)

城守營左軍守備……………(二二八)

城守營右軍守備……………(二二八)

南路營參將……………(二三〇)

南路營守備……………(二三一)

北路淡水營都司……………(二三三)

艋舺營水師遊擊……………(二三三)

艋舺營水師參將……………(二三四)

艋舺營陸路守備……………(二三四)

滬尾水師守備……………(二三六)

噶瑪蘭營守備……………(二三七)

噶瑪蘭營都司……………(二三七)

噶瑪蘭營頭圍守備……………(二三八)

臺協水師副將……………(二三八)

臺協水師中營遊擊	(一四〇)
臺協水師左營遊擊	(一四一)
臺協水師右營遊擊	(一四四)
臺協水師右營都司	(一四四)
臺協中營守備	(一四六)
臺協左營守備	(一四八)
臺協右營守備	(一四九)
全臺軍制總目	(一五一)
全臺軍制條目	(一五一)
臺廠戰船	(一八二)
薦辟	(一八四)
進士	(一八五)
舉人	(一八五)
副榜	(一八八)
拔貢	(一八九)
優貢	(一八九)

恩貢	(一九〇)
歲貢	(一九一)
欽賜副榜	(一九七)
例貢	(一九八)
武進士	(二〇〇)
武舉	(二〇〇)

臺灣采訪冊

列星分野

(向以列星分吳、越、燕、趙等處，未若分別如府州之可據，以便推度災祥也)

天體周圍渾淪而員，其性健而不息，其誠運而有常，其經有三十五萬七千里，每方八萬九千二百五十里，自下距上約八萬里，人言天無定體，二十八宿以爲之體。豈知蒼蒼蓋軫之形歟(天體論出心略)！

天形周匝，其度有三百六十五度四分度之一，每度有二千九百三十里七十一步二尺四寸四分，共該折里一百萬零七萬一千三百四十七里七十一步二尺七寸九分九厘六毫。又有以日照陽城勾股法算之，南極入地七十二度，隱而不見；北極出地七十二度，見而不隱(天形論出心略)。

角亢(開封府)

亢氐(汝寧府)

房心(徐州)

尾宿(永平府、隆慶府、保安府)

尾箕(順天府、保定府、河間府、遼東都司)

斗宿（應天府、蘇州府、松江府、鎮江府、池州府、寧國府、徽州府、常州府、太平府、揚州府、淮安府、廬州府、鳳陽府、安慶府、滁州、和州、南康府、南昌府、饒州府、廣信府、建昌府、撫州府、臨江府、瑞州府、袁州府、吉安府、贛州府、南安府、杭州府、嘉興府、處州府）

斗牛（潮州府）

牛女（嚴州府、金華府、衢州府、紹興府、寧波府、台州府、湖州府、溫州府、泉州府、福州府、延平府、汀州府、興化府、漳州府、廣州府、韶州府、南雄府、肇慶府、高州府、瓊州府、梧州府）

女宿（建寧府、惠州府）

虛危（濟南府、登州府、萊州府）

危室（東昌府）

室壁（大名府、彰德府、衛輝府、懷慶府）

奎婁（兗州府）

胃宿（順德府、廣平府、真定府、大同府）

觜參（平涼府、澤州）

參宿（汾州、東川軍民府）

參井鬼（太原府、潞州、成都、順慶府、西安府、鳳翔府、青州宣慰司、漢中府、平陽府、鞏昌府、慶陽府、延安府、寧夏、文縣守尉、雲南府、大理府、臨安府、楚雄府、徽安府、保寧府、叙州府、重慶府、州府（？）、嘉定府、雅州、瀘州、眉州、岷州、曲靖軍民府）

柳宿（河南府）

張宿（南陽府）

翼軫（桂林府、柳州府、慶遠府、平樂府、潯州府、夔州府、南寧府、武昌府、漢陽府、襄陽府、德安府、廉州、黃州府、荊州府、岳州府、長沙府、衡州府、辰州府、永州府、柳州、沔陽府、安陸府）

軫宿（平涼長官司、寶慶府、靖州衛、施州指揮使）

以上分野係採諸繡水施永圖山公氏輯著「心略編」。其書遺帙，不知作於何年，而臺灣一府尙未彙入。茲查臺灣在漳泉之東南隅，舟行水路隔十二更，則臺灣分野當屬牛女無疑。諸羅舊志謂屬翼軫恐誤也。故特採之，以備參考。（道光九年十月二十日林棲鳳、石川流同採）

氣候占驗

內地之風，早西晚東，天乃晴霽。而臺地則異。是凡久雨後，必午後海西透發，乃見晴霽。不然，雖晴亦旋雨矣。陳睿菴詩云：早晚西東卜霽天，臺中反見雨纏綿。蒼穹詎以方隅別，欲考輿圖費細研。

太陽未出將辰之先，東方有黑雲如旗幟、山峰各形，應即日內未申時有雨。

拂曉東方有黑氣隨太陽上下，應巳午時雨。巳午時隨太陽，應未申時雨。未申時隨太陽，應酉戌時雨。

久雨後破曉忽然開霽，主大雨。惟午後開霽，乃主晴。諺云：早日不成天。夏天忽然炎蒸之氣逼作難堪，當日內主雨。

臺地遇旱，每日多有雲氣垂陰，若作雨意，然主晴。諺云：旱天多雨意。

臺地多震，久晴遇震必雨，久雨遇震必晴。

臺地日暈主雨，月暈主晴。諺云：日圍籬被雨溼，月圍籬被日暴。

臺地冬至日有雨，年底主晴，明霽主雨。諺云：冬節紅，年冥濛，冬節烏，年冥酥。

夕陽時西方有黑雲如墨，疊嶂挑空而起，主是夜雨，或三日應之。（道光十年四月

十五日陳國瑛採)

疆域山水(原無標題)

按臺邑疆域山水，前志辯論周詳，無須重贅。惟東關外匯納衆流之鯤魚潭，原係北流，今已南徙(堪輿家每謂：斬斷郡城龍脈)。南關外之二贊行溪尾，原係斜南，今已斜北，拱衛郡城。至北關外臺、嘉分界之新港溪口，近經沙壓絕流，其上頭源水斜南，橫過三坎店前，透出柴頭港溪，合流注於臺江。其臺界外北條一溪，原由曾文溪透菅藁出西注海，今從菅藁溪尾入臺界，曲出鹿耳門礁口旁，又分支斜南透出安平角大港口入海。邇時溪道紛更，此臺、嘉分界所以難憑溪道爲準繩也。

原其故，皆由臺轄之柴頭港、洲仔尾、三坎店等處以至嘉屬之鼎臍、塢灣、港口、菅藁等處，所有西偏之內海，均見沙土壓積，變成浮埔。自東徂西，約十多里。自南達北，約二十餘里。高高下下，不一其區。以致溪道奔馳，有難由舊。

道光七年，孔道憲以浮埔略堪耕種，曾經委員會同臺、嘉二邑勘丈給墾。惟因臺、嘉分界之新港溪道既經歷塞，誠難作準，迺就新港溪口一直對峙北汕頭分別臺、嘉，用照平允。然此時未曾豎界、詳立檔案，恐將來難免無越佔爭競之端，應請此時檄委該管地方官到地覆勘，仍就新港溪口建立石碑，以示原界之準。至埔中，又應豎碑，以杜侵

越之弊。若此汕頭者，更不可不立一碑，針對新港原界，以昭首尾相應也。有此三碑，界地自然分明，爭端便能疎釋。不揣管窺，妄參末議，合繪圖呈覽，惟冀核行，俾久遠得以恪遵定程焉。

再，郡城龍脈自馬鞍山發下，平洋橫亘十餘里，至陣仔頭，穿田過脈，口分南北，聳起虎仔山，高昂開屏列帳，盤旋數里，由東進，結此郡。其南畔分水，原從蓮池潭過頂陣頭，西流入二贊行溪，歸江注海。北畔分水，原由菅林潭過鮑魚潭、蜈蚣潭，通蔦松溪，至三埭店溪，西流入江注海。前年大雨淋漓，北畔沙土壓塞浮高，北流之水反從埔羌頭南流，冲斷龍脈，今龍身已斷，氣脈不貫，經有數年，急宜補救。否則，恐緩難圖，日久非通邑之利也。（道光十年七月初五日曾敦仁、黃本淵、陳國瑛合報）

臺灣府城龍局

府城龍脈，自馬鞍山發下，平洋二十里，直至東門進城。由卯乙入首，分枝結府學、道、府署等處（鎮臺署由東北傍龍而結，不在此龍內）。主龍直結紅毛樓，震龍兌向，左邊武廟，左邊縣署，左右高起爲砂，兩界水繞聚明堂，其主龍之結，確證明矣。論其來龍行度，起則高而不昂，伏則續連不斷，正合龍形之行步也。紅毛樓係龍之頭首，由東至西，有直奔大海之勢。安平鎮卽是龍之珠，龍頭不壓動則水必泛，而珠必滾，是

以前人起高樓鎮壓者，得其法也。總之，不拘何形；於龍止處，以寶塔鎮之者多，則此樓必當修之，以高爲妙。其方位在府學之乾亥，宜起高方樓閣。一則以應府學文峯。二則鎖住龍頭，使氣不走洩，靜則神完，士民受蔭。三則龍住珠靜，則安平鎮亦育氣。有此三益，毫無一損，夫復何疑！第龍神到頭直結，則力量不足，龍身不頓起生峯，不甚爲貴，及進城後，始有星神精力，得其純厚之體，局收大水朝迎，此郡富勝於貴也。自震龍入首，震乃先天離位，惜乎離方之水，行至坤方安平而出，未能到西向交會。如是後天到，先天不到，陰陽未得交媾。如夫之有婦，婦情意別向。誠爲怒龍，不免鬪爭之競。兼之發祖之山，一派劍脊龍，故歷有干戈相戕之患。皆緣山水之應如此。謹將三元理氣，定龍向之貴賤、甲運之盛衰於左。

一、定龍向之貴賤

山上龍神戊己坐山，水裡龍神又逢戊己到向，戊己乃五黃土也。土厚主財而不秀，五黃土其星不良，其性橫行，所喜天之一白坐於坤，坤方有水，吉地之六白坐於乾，乾方即鹿耳門之水，一六得其通氣，發富之局。

一、定甲運之盛衰

郡垣之局，六白乾金，管運山上之乾，到於向上，此爲山上龍神。下了水爲兵，爲刑、爲禍，甲辰至癸亥二十年，六白剛金正旺，爲凶。甲子至癸未二十年，七赤金助爲

docsriver 文川网
入驻商家 古籍书城

在文川网搜索古籍书城 获取更多电子书

虐，前後共四十年內不吉。故已見干戈之凶。後甲申至癸卯二十年，官星逢生，益於仕宦，發於震離。甲辰至癸亥二十年，文星科名到向，文章秀發（坤離二方無峯，雖當運不能大發）。後上元甲子六十年，運內富貴並發。今後一百七、八十年間，復行剛金之運，仍有凶事。所喜水上乾星到向，即是官星。甲辰、甲寅，應出仕宦，對向本有官星案山。第城垣遮蔽，照之不到，宜於案山上起寶塔高峯爲美，一白坐於中宮（在府衙左右爲中宮），四翼輪在坤上（在府學南門之右前爲坤方）。此二處宜建樓閣，高峯之照，所謂一四照臨（一白爲科名，四巽爲科第），而發科名之顯。一六同宗，定應官途之榮（六白官星，在丙午丁方）。若於坤離及中宮三處建立高峯，則文星、官星兩旺，富貴雙全之局也（江西勘輿閔光中著）。

（道光十年六月初五日曾敦仁採）

沿革（原無標題）

閩之有臺灣孤懸海外，歷漢、唐、宋、元所未聞傳，自明季天啓間方有倭奴、荷蘭屯處其地。自昔稱爲「萬水朝東」，殆卽夏書之所謂「東漸於海」，王制之所謂「自東河至於東海」者歟！臺始號埋冤，本番語也。因其文不甚雅馴，故以臺灣二字易之。然臺之義，取其山峙而高；灣之義，取其水流而曲。此外有曰昆舍耶國者，其說本於文獻通

考也。曰臺員者，其說本於明周嬰遠遊編東番記也。曰赤嵌者，荷蘭所築之紅毛城也。曰東都、曰承天府者，鄭成功之故號也。曰東寧者，鄭經之故號也。曰乾坤、東港、華嚴、婆娑洋世界者，雜見於蓉洲文稿也。曰東瀛、曰瀛海、曰臺嶠、瀛壖者，又雜見於詞人筆墨間也。故特錄之，俾問俗者有所考云。（道光十年二月二十五日陳國瑛撰）

山形

臺邑負山面海，其中支注結郡城者，起於大烏山（在邑東北百里而遙，郡垣之祖山也）。西行爲分水崙，其西爲草山（郡垣之少祖山也）。又西爲內大烏山（此郡城第三重屏障）。西南爲一峯尖，峯下有石井，下爲三凸崙。西行平列八峯，爲天馬峰、蠓鏡窗、飛鳶、巢猴、晒日、接雲峰、山猪路獠仔、壁尾峰（此郡城第二重屏障）。自第二峯西下爲老鵝嶺。又西爲馬鞍山。從香洋西橫郡城之背爲嵌頂山（此郡城第一重屏障）。西上入大東門，注結郡垣，其左支自分水崙西，落脈爲上崙石屏山。其南爲翁仔上天，稍西爲雁門關，西下爲土樓山，亦名大坪山。西南爲茅草埔山（此臺邑之左肩也）。又南爲狗圖圈（此左肩之外輔）。西北爲戶橙嶺、灣崎山、虎頭山、猴洞山（此邑左臂之拱衛也）。其右支自大烏山西北爲番仔湖山。其西爲剛仔林、大尖山、小尖山，左鎮山。北踰溪爲木岡山。西下爲卓猴山。西南過溪爲猪母耳山。南爲柳仔林山（此邑之右肩

也)。南爲噴噴哩山。北踰溪爲草潭山。西北爲大坵田。西爲湖仔內山（此邑右臂之拱衛也）。又城南自東南來至正南陡起三峯，狀若三臺，爲府學文廟拱案。蟠屈蜿蜒，至西南拱衛郡城（此城南之下砂也）。又城北自三墩店至柴頭港西北一帶，新浮埔地，拱衛郡城（此城北新補之下砂也）。

羅漢內門在邑東南六十五里。其地四壁皆山。其東上接大湖山，後有大山，爲目眉徽山。南爲蘇遠埔嶺。有內湖、外湖之別。湖西爲燒灰山。東爲石門山。下有石門坑。南爲赤竹嶺。東爲三峯崙。南爲小東方木山。南踰萊公坑口爲大東方木山（此南門正東山）。以上諸山之東爲南馬仙山（此邑之後屏也）。自大東方木南，其上爲大葉林山。南爲龍潭山。西下爲龍潭。南爲金交椅大崎嶺。鼓山則出羅漢外門焉（以上爲內門東壁山，皆南行）。自鼓山西行，爲將軍山、銀錠山。至打鹿埔溪口止焉（此內門之南壁山皆西行）。自銀錠之南爲外烏山、獐仔壁山、大傑巔者皆在焉（此南壁之外屏）。內門之北，全倚分水崙西行，至內烏山而止（此內門北壁）。自分水崙以南分支落脈，皆東趨內門，內踰蝦墓林山，至溪口止焉（此內門西壁）。

羅漢外門在內門東南，東有淡水溪，東卽南馬仙山，東南爲旗尾山，西迤東壁外，自三峰峯（？）至鼓山，與旂尾山相對。中爲蕃薯寮，自鼓山西，過將軍山之南，爲虎仔山、大傑巔山、獐仔寮山。其外卽鳳山界矣（此內門南壁外屏）。

水勢

臺江在邑治西門外，南至七鯤身，北至柴頭港溪、新浮埔溪，西吞大海。

福安坑源出小南門內凝南坊府學前，西流至塗墜埕，出小西門，外注於臺江（此郡城內之左分水也）。

德慶溪（俗呼坑仔底）源出小東門外舊萬壽宮前，入郡城東安坊，合舊縣署後，並府署東二泉，西流至竹仔行，會枋橋頭水合流，經縣署右，至水仔尾，出小北門外北廠，注於臺江（此郡城內之右分水）。溪仔墘溪源出東門外太爺廊前，南流大橋頭，過竹溪寺邊，轉過曾、蔡二姬崙，旋傳經溪仔墘，西流鹽場，注於臺江（此郡城外第一條之左分水也）。柴頭港溪源出石頭坑，受衆陂無源之水，經海會寺前大橋港西流，出柴頭港，注於臺江（此郡城外第一條之右分水也）。

喜樹港溪源出鯽魚潭，由菅林潭南流，經鹽水埔，出喜樹仔出港，注臺江（此郡城外第二條之左分水也）。

新港溪，臺嘉交界，一受分水山之水，西北受剛仔林、大小尖諸山之水，經左鎮之南，又西爲新圍溪，西北與本藩溪合流，西下爲新港溪。一受大穆諸溪之水，至本藩溪合流。一受木岡山溪，出左鎮、卓猴之間，與新圍溪合流。一受噴噴哩溪，經舊社溪，

與蛟狗溪合流。西入許寬溪，西北受大坵田湖仔內之水，西入蔦松溪，與新港溪合流，會柴頭港，注於臺江（此郡城外第二條之右分水也）。

二贊行溪，臺、鳳交界，源出馬鞍山，過打鹿洲，北受深坑仔水，浚南流入角帶圍。又受紅毛寮溪水，西流於二贊行溪（此郡城外第三條之左分水也）。

新浮埔溪源出卓猴山溪，北流入於曾文溪，一支西流入於螻蛄港，一支流入臺界內新浮埔，出大港口，注於臺江（此郡城外第三條之右分水也）。（山形、水勢均係道光十年八月二十日陳國瑛探）

火山考

火山一名玉枕山，在嘉義縣城南四十里，從烏山落脈，突起高頂，臺山第一名勝也。嘉慶丙子春，余至其地，經九重溪，歷十二曲澗，緣崖轉北而東，躡石磴，上岡脊，南望阿中，有猿洞、蝙蝠洞焉。南里許，地多雲，昏且，盆入，咫尺不可辨，是所謂「碧雲寺」者也。寺地面西，前開一湖，巨石倒懸，後一小西天，花木奇異，南北兩崗垂抱，作左右臂，東背玉腕屏，高出天表。寺左隔數丈，有天公壇。壇前巨石屏立，石鐫「躍峯居」三字。循壇而下，開小湖，再踰崗脊，即火嶮焉。出火之處，凸小腦，似石非石，下一空，如斗大，火出其上，泉流其下，沸沸有聲。火無烟而有燄。或大、或

小，因觀火者貴賤而殊。小者尺餘，大至五、六尺，隨風斷續，雨至愈發。旁小竅，多有火；或無火處，以茅草引之，卽出。烹茶、煮米，頃刻而開。又有小罇，如線條，窺之，紅如丹爐。然上一大石，有樹蓋之，枝葉與火燄相交，却長青不隕。其大火所出者，泉如沸羹，似難染指，而掬之僅微溫耳。魚鱗出入於空中不懼。此真臺山第一奇處也。

從火崆東上幾層，西望則澎湖島嶼若沉若浮，稍南則鹿耳鯤身分明可數，而南東大武壠諸峯，尖員橫亘，遠近環合，幾乎可以旁日月、臨風雨。其去火山，又不知若何境界矣。火山出火之處，不知始自何時。自開闢以來，晝夜未嘗或息。曾聞春月燒山時，從東北脊紆廻可至其頂。頂上有獅子頭、仙洞、海眼等勝在焉。是爲考。蘇鳳翔撰。
(道光十年四月初十日)

羅 水

羅水者，濁水也（土人謂濁爲羅）。其源不知所自出，水道自水沙連牛相觸山，由鼻子頭山下，至東螺、西螺及虎尾溪。其水與沙相半，勢甚浩大，輪困旋轉，自上而下，大小石塊隨波逐浪，下落深溪，聲若巨雷。涉者一失足，則水重、沙埋、石壓，決無生理。泅者、渡者，或遇大木橫撞而跌，命亦難全。始滙爲東螺溪，繼滙爲西螺溪，後

又從東西螺之中，滙爲三條圳溪。又復滙爲虎尾（此嘉、彰交界）。水之形勢，廻環若螺，若虎尾，因以名溪。其三條圳云者，前有圳三條，今皆決而爲溪，計三條，皆濁水，每歲有一條水極盛，則其餘淺甚，可徒涉。虎尾爲嘉、彰分界，相傳水流彰則彰年豐，流嘉則嘉大稔，未有所謂新虎尾溪者也。嘉慶七年七月，大雨數日，山內峯頽岸圯，羅水大至，木石民舍多被漂流，屍橫溪埔，不計其數。復冲出他里霧上一溪，由鹿藪出笨港，又以新虎尾名焉。

論臺灣爲海外一撮土，年間高岸爲谷，深谷爲陵，洵不可測。當其滙爲東西螺三條圳，不知其淹沒田園、漂流廬舍若干矣。復滙而爲舊虎尾，荒地數十里，盡是蘆葦菅茅，其田園廬舍滅沒又何可勝數。及復滙爲新虎尾，其漂蕩無存之田園廬舍，不知凡幾矣。近又聞新虎尾漸淺，荒地漸闢大，想將浮復焉。（道光十年三月三十日林師聖報）

嘉義縣城

（即舊志之諸羅縣城，乾隆二十九年以前誌載已詳，毋庸重錄）

查乾隆五十三年逆匪林爽文蕩平後，曾奉諭旨：朕意臺灣郡城爲根本之地，自應改建磚石城垣，以資捍禦。至嘉義一縣，朕因該處人民竭力守城，賜以新名，用示嘉獎。該處城垣亦應一律改建，或磚、或石，務令堅固。此外，如彰化、鳳山等縣，不妨仍用刺桐、竹木等項栽插。惟聞各該處舊有城圍，依傍山麓，未能據扼形勢，德成僅諳工程

做法，於相度形勢，非其所能。着福詳細履勘，或移建高阜，或因舊基跨山圈築；卽舊城難以移動，亦須擇附近山頂形勝之處，設立磚石卡座，添設弁兵，以資控制等因。欽此。經公中堂福、工部侍郎德會議奏覆飭建。

旋據該縣單去非於乾隆五十五年三月二十四日通報興工，估建土城一座，東西南北四門，除城樓座券臺外，城身通長七百四十四丈二尺，高一丈八尺，底厚二丈，頂厚一丈五尺，海漫築打灰土(?)。城上改砌垛子七百七十九垛，各寬七尺、高七尺、厚一尺五寸。每垛內空鎗眼二個，各寬七寸、高八寸。又砌垛門口座七百七十九個，各寬二尺四寸、高二尺四寸。砌垛基高一尺，內面加砌戰廊，長七百三十二丈二尺、高一尺二寸、厚一尺二寸。又幫築卡房座四處，建蓋卡房四座，城下看守兵房四座，並砌蓋城樓、座券臺、上城馬道及門樓、水洞等項，共估需工料銀四萬四千零七十八兩四錢一分八厘七毫，就於軍需存留工程銀內給發。該縣承領建造。至乾隆五十八年十月十五日，一律報竣完工。每歲如有損壞，應由該縣隨時修補具報。(道光十年三月二十五日楊文顯、吳尙新、蔡國香同採)

彰化縣城

(在半線堡，雍正十二年知縣秦士望環植刺竹，周圍七百七十九丈三尺，設東西南北四門，窩舖十三座。乾隆十三年知縣陸廣霖重修，舊志如斯)

乾隆五十一年，逆匪林爽文滋事，城燬，蕩平後，奏准仍用刺竹栽插，繞城加浚深

濠，足資保護，並於八卦山上添設石卡一座，捍衛縣城。嘉慶十四年，該地士民因屢遭匪擾，有釀金改建磚城之謀。適制憲方巡臺臨彰，據情奏請，報可。知縣楊桂森分俸倡捐，士民王松等鳩金樂助。於嘉慶十六年購料興建，迨二十年告成。城身俱砌以磚，周圍計九百二十二丈二尺八寸，高一丈八尺，基厚一丈五尺，上寬一丈，建城樓四、炮臺一十有二、城堞七百八十有三、水洞六、守城兵房四。又於城東八卦山建寨設兵，以爲犄角之勢。計費工料銀一十九萬零（有碑記見藝文）。（道光十年三月三十日楊文顯、吳尙新、蔡國香同採）

臺邑街市（郡志略而未備，邑志備而仍略，茲合更正之，庶乎其不差矣）

十字街（位郡中統四坊之交，即舊志所謂冠諸街之首，而不言屬於何坊者是也）。
草花街（分鎮北之半）、打鐵街、枋橋頭、嶺後街、元會境、山川臺街（以上東出）。
東門街（建城收入城內，屬永康里）、嶽帝廟街、大埔街（以上側出小南）。四嫂巷、清水寺街、柱仔行、油行尾（以上偏南）。做針街（即今之後離佛街）、市仔街（即今之竹椅街）、府口街、經廳巷（以上東出）。竹仔行、市仔頭街、舊縣頂、新店尾（以上北出）。以上屬東安坊。

武館街（接竹仔街而來）、十三鋪、帽仔街（分鎮北之半）、大井頭街、內南濠、下

打石街（今改樸實街）、做篋街（今改雙興境）、內新街（以上西出）。下橫街、道口街、磚仔橋（即今之莊雅橋）、帆寮街、打棕街、二府口街、大道街、土墘埕（以上南出）。關帝廟街、關帝廟後街、代書館街、縣口街、抽籤巷、做米街、水仔尾街（以上北出）。內關帝港、內媽祖港、內王宮港（以上西出）。西門外宮後街、南勢街、北勢街、外上南濠、外下南濠、外新街、看西街、外打棕街、鎮渡頭街、外媽祖港、外王宮港、杉行街、福壽街、佛頭港、崎靠街、金龍衛街、礮礮石街、橫街仔、魚行街。以上屬西定坊。

上橫街（即今之祥雲街）、五帝廟前街、安海街、頂打石街（即今之鼎甲石街）、糖仔街、龍王廟街、菜市街、棧仔林街（以上側出）。以上屬凝南坊。

草花街（分東安之半）、鞋街（以上東出）。帽仔街（分西定之半）、竹仔街（以上西出）、禾寮港街、總爺街、雲霄街、新店尾街、觀音亭街、大銃街（以上北出）。以上屬鎮北坊。

春牛埔街、草店尾街、中樓仔街（以上屬永康里）。坎仔街（屬長興里）。蕃薯寮街（屬羅漢門莊）。市仔街（屬效忠里）。舊社街（屬歸仁北里）。埤頭街、二層行街（以上屬文賢里）。蔦松街（屬武定里）。大目降街（屬大目降莊）。（道光十年四月十五日陳國瑛採）

橋（原無標題）

嵌脚橋，一名王使巷橋，亦名五空橋，在大東門外歸仁南里，距城五里。道光四年，臺邑主李捐貲倡建，基礎磚石，深二丈，寬五丈，高四丈餘。橋梁石板橫架，濶一丈餘，長十五丈餘，兩邊扶立石欄，長均十五丈，灑水之門，磚石同砌，共五道。

蓬溪橋，一名姜市橋，在大東門外仁德北里，距城五里。舊志所載永康里者非也。中路往來之衝。乾隆十六年，鄉長方邦助與其侄國良捐貲築造，輿徒稱便焉。道光四年，臺邑主李倡捐重修，基深一丈，寬四丈，高三丈，橋梁石板濶一丈餘，長十丈，兩邊扶立石欄，灑水之門，磚石同砌，共三道。（道光九年十月初五日蘇鳳翔、蘇德純採）

廣德橋，在北關外，距城十二里，原無建橋，用竹筏以渡往來，道光七年四月，增生郭綏猷募衆架木建造，民免病涉。

通遠橋，在大北關外，距城十五里，原無設橋，其地因鳳梨市，溝水自南而北，冲一巨壑，深丈餘，濶七丈，行有溺死者。道光九年六月，增生郭綏猷募衆架木建造。（道光九年十月初五日蘇鳳翔、曾敦仁、蘇德純合報）

馬鞍橋，亦名新港橋，在新化里新港，距郡城二十里，蔣公堤未築時，卽往北大路也。橋南北多郭姓居民，康熙五十五年里民鳩衆重修，架木爲之，形如馬鞍，今已傾圮。

勝蟾橋，在大北門關外，距郡城二十里，臺嘉交界，此橋故老相傳：以爲設於雍正年間，鄉民蔡勝妻樂善好施，修築宅畔之路，造橋以濟行人。故橋以勝蟾名之。今廢，餘址尙存。

洋仔港橋，原名更寮橋，在大北關外，距郡城十九里，東通蕭閩、大武壠，每歲鄉長集莊民以防賊。故謂之更寮橋。溝深且濶。道光七年四月，增生郭綏猷、王仕豪鳩衆捐貲築造木橋，輿徒稱便焉。（道光九年十月初十日蘇德純、蘇鳳翔合報）

濟津橋，一名長壽橋，在郡治鎮北坊，通衢往來之所。康熙五十八年，總鎮歐陽凱建，架木爲之。乾隆十六年，學生陳廷藩修，三十五年，紳士、商人復修之。嘉慶六年，縣令周作洵重修，有碣紀其事。道光六年，職員吳春祿易木爲石，所有工費，獨力支應。（道光十年四月初五日蘇鳳翔報）

龍潭橋，在大東門外長興、永康交界，距城五里。道光丙戌六年二月，臺邑主李倡修。越丁亥七年四月，熊邑主總成完竣。其橋長三百三十四丈，高一丈，面濶二丈，基濶五丈，橋下出水孔三道。橋之南北各立石界十二支，自橋至兩邊石界，各寬八丈，亦有六七丈者，均有鐫明。石界之上有記。

附：重修龍潭橋碑記

docsriver 文川网
入驻商家 古籍书城

在文川网搜索古籍书城 获取更多电子书

郡東龍潭，曩爲漁邨蟹舍，煙簑釣艇，往來其間。自琴川蔣大守、紳士侯世光諸人先後創修橋梁，行人始免厲揭之艱焉。然剝蝕頻仍，坍塌至再，波瀾肆溢，木石艱施。泊乎乙酉，邑候李公捐俸疏渠，導潭入海，喜無洪濤爲患，慮有衣帶之遺。就於各處要津，聚石爲砥，以通行旅，而龍潭舊址，屹然宛在，雖旱乾之時，褰裳可涉，若雨水滂泥，非橋莫濟。經畫綢繆，其能已乎！諭衆繕修以襄盛舉，衆以選等先人曾與是役，不棄菲材，推董厥事，而輸金輦土者，復爭先恐後。於以徵聲教庶敷，風俗茂美。職此先見，其一斑焉。是舉也，起於丙戌二月，越丁亥四月，而工告竣。橋之體段，悉依舊裁，而堅實完固，視昔有加。共糜金錢一千二百餘員。從斯以往，白堤映水，青草綠波，輪蹄過客，若履康莊。合邑侯捐建諸橋，則如礪共識周行，而徒杜輿梁，各遵王政，其視蘇堤六橋烟柳徒供遊人眺覽者，相去不知其幾何也！且昔附橋有田，曷橋有費，歲久湮沒，無人管領。今邑侯熊公繼成其事，清釐左右數丈之壤，以爲培壘之需，猶望後之賢士大夫，時存保護，用垂不朽。是則選等之志願也夫。

道光七年二月口日倡修臺灣縣李、熊，總理州同臧銜吳廷能，董事武生郭廷選等。

（道光九年十月十五日吳廷能採）

豐祐橋（在右營埔東南邊大松脚，道光四年鍾炳泰建，鳩衆修之，砌以磚石，兩翼扶欄）。

安樂橋，在府倉口。嘉慶三年學生曾廷謨鳩衆修。按是橋在安樂境街，故名安樂橋。

。舊誌載：東安坊有樂安橋，乃康熙二十三年縣令盧承德所建，今圯，疑卽此橋。後人復修之爾。另有樂安橋，在西定坊，與此異。道光四年，鍾炳泰鳩衆重修，易以磚石，兩翼扶欄。（道光九年十月二十日蘇鳳翔、蘇德純同採）

郡治屬東安坊者，曰大坊橋。今改爲壽世橋。僞鄭時建，架巨木，鋪以大枋，故名。康熙二十三年，知府蔣毓英始修，以後屢有修葺。嘉慶三年，紳士吳春貴、韓必昌、黃拔萃復鳩衆易大木，鋪以磚石，有碑紀其事。道光五年，武平司訓韓必昌等，易材爲石，經始於八月下澣七日，越十月朔二日竣工，計費番銀六百餘元，有碣記，詳藝文。（道光十年二月二十日蘇鳳翔採）

濟南堤橋，在小南門外仁和里鹽水埔，距城十三里，爲鳳邑往來通衢，鯉魚潭、蓮花潭諸水滙流之區。地形洿下，積淖奔流，行人苦之。舊挽竹筏以濟。道光十年，邑紳吳春祿捐資就勢築長堤五百餘丈，設石橋十座，俱用一尺方石四條築造，行旅賴焉。（道光十年七月初三日蘇鳳翔採）

淡防廳城

（在竹塹。雍正十一年，同知徐治民環植刺竹，周圍四百四十丈，設東西南北門，建門樓。乾隆二十四年，同知楊懋奉文，四城門上各增建炮臺一所，另有炮城在淡水八里坌山北脚下，紅毛時建。鄭氏葺之。尋復圯。雍正二年，同知王沂重修，設東西大門二、南北小門二焉，舊志如斯）